

եւ սիրում իր նոր ազգն ու հայրենիքը, ինչպէս երբեք մի օտար չէր սիրել հայն ու Հայաստանը...

Մեր աչքերի առջեւ էր, որ սկզբնաւորուեց դժբախտ վէպը, 1893-ի վերջերին, ժրնեւի մօտ, Օնէ գիւղում: Ժրնեւը արդէն իսկ կենտրոնաւոր էր հայ յեղափոխական պրօպագանդի: Երջանիկ օրեր էին, Հայաստանում դեռ չէր շարժուել համիդեան եաթաղանը, եւ բոլորի մէջ վառ էր յոյսը հայրենիքի մօտալուտ ազատութեան:

«Դրօշակ»ի տպարանը, ցարիզմից հալածական, ձգել էր Կովկասը եւ մէկ ու կէս տարի Ռուսաստանի մէջ թափառելէ յետոյ, փոխադրուել էր Ռօստովի ձեռքով ժրնեւ եւ հաստատուել էր Pichet de Bock փողոցիկի մը անշուք սենեակում, այլքովի մէջ, ուր ապրում էր առժամայէս դադրագողի: «Դրօշակ»ը լոյս էր տեսնում 2-3 ամիսը մի անգամ եւ նրա միակ վարիչը Ռօստովն էր, միանգամայն խմբագիր եւ գրաշար:

Այդպէս գտանք իրերը, երբ 1893ի սեպտեմբերին Սաթակը, ես ու մի քանի այլ կովկասցի երիտասարդներ եկանք ժրնեւ ուսանելու:

Քիչ յետոյ եկաւ եւ Յոնանը: Բայց նա նորեկ չէր այդ քաղաքում: Նա, այդտեղ եղել էր 4-5 տարի առաջ: Աւարտելով Եռւշուայ թեմականը իր մի քանի նշանաւոր դարբարացի ընկերների հետ (Նիկօլ-Դումանի, Մեսրոպ եպիսկոպոսի եւայլն), աւարտելով այնուհետեւ Ներսիսեան դպրոցը, նա անցել էր Զուլիցերիա եւ ժրնեւի համալսարանում ընտրել էր ընկերային գիտութեանց մասնաճիւղը: Իր քաղաքացիական եւ յեղափոխական մկրտութիւնը ստացել էր հայ մտաւորականների այն խմբի հետ միասին — Նազարբէգեան, Օհանեան, Ղարաջեան, Աթարբէգեան, եւայլն — որը 80-ական թուականների վերջերում, առժամանակ Փորթուզալեանի «Արմէնիա»ին աշխատակցելուց յետոյ՝ հիմնել էր «Հնչակ»ը:

Հարկադրուած իր ուսումը ընդհատելու՝ Յովնան վերադառնում է երկիր եւ երկու տարիի շափ, գլխաւորապէս Պարսկաստանի մէջ, զբաղւում է ուսուցչական ու յեղափոխական քարոզչութեամբ: Նիւթական միջոցներ ձեռք բերելով, նա վերադառնում է, 1893ի աշնանը,

գալիս է ժրնեւ: Գալիս է արդէն իրրեւ դաշնակցական գործիչ:

«Դրօշակ»ը սկսում է աւելի յաճախ լոյս տեսնել: Այժմ արդէն գրաշարները չորս հոգի են՝ Ռոստով, Յոնան, Սաթակ, Երեսնց, որոնցից առաջինը ամենէն հմուտ է, թէ իրրեւ շարող եւ թէ իրրեւ թերթի ղեկավար:

Տղաները միեւնոյն ժամանակ հետեւում էին համալսարանական իրենց դասերին: Ապրում էին իւրաքանչիւրը իր սեփական միջոցներով. կազմակերութիւնը տակաւին սղքատ էր, հաւաքած դրամը յատկացւում էր գլխաւորապէս դէնքի ու քարոզչութեան՝ երկրի մէջ: Իսկ ժրնեւ զրկւում էր հազիւ այնքան, որ բաւէր թերթի չնչին ծախքերը հոգալու եւ համեստօրէն ազահովելու գլխաւոր խմբագիր-գրաշարին, որի սենեակը միանգամայն «Դրօշակ»ի խմբագրատունն էր:

Դէպքերը գահավիժուեցին հայրենիքում: Տեղի ունեցաւ Սասնոյ ջարդը եւ շատ չանցած՝ Բաբ Ալիի ցոյցն ու արիւնհեղութիւնը: Ռոստովը ձգեց ժրնեւը, քարոզչական պտոյտի գնաց դէպի Բալիանները, իսկ 1895ի դարնան, որպէս ծպտեալ ստեւտրական, ուղեւորուեց դէպի Կարին: Նրան հետեւեց Սաթակը՝ նախ դէպի Բուլղարիա ու Ռուսաստան, պրօպագանդիստի պաշտօնով, ապա Եգիպտոս ու Իրմիր:

«Դրօշակ»ն անցաւ Յոնանի ձեռքը: Գրում էր եւ աւելի շատ՝ շարում էր: Իր Ֆիդիքական ուժերէն վեր... Մի երկու տարուայ մէջ սեւ, մրոտ աշխատանքը անդրադարձաւ կրճքի, թոքերի վրայ: Յովնանը տանում էր անտըրտունջ ու միշտ ժպտուն: Քովը՝ Հօրթանսը կար, աշխոյժ ու կենսուբախ զուիցերուհին, որ թեթեւացնում էր նրա հոգեկան բեռը, երբեմն նոյնիսկ յօգուածներ տալիս «Դրօշակ»ին, ուսումնասիրում էր անդադար հայոց լեզուն, թարգմանում էր Ռաֆֆիից յուզիչ հատուածներ եւ հրատարակում ժրնեւեան թերթերի մէջ:

1896ի ամառը «Դրօշակ»ի խմբագիրը գընաց Պօլիս, ուր այն ժամանակ պատրաստում էր Բանկ Օտտօմանի դաւադրութիւնը: Դէպքից յետոյ՝ նորէն ժրնեւ է. բայց այնուհետեւ թերթն ու բիւրօական գործերը անցնում են գլխաւորապէս Վոսմեանի ձեռքը — մինչեւ